

程




青谿漫稿卷一

賦

楨陵雪齋賦

天順
辛巳



明

倪岳

撰



楨陵之為地乃宣平之故疆居帝京之北鄙當朔漠之
中央為十九衛之都會羌百萬姓之保障池之深兮削
數仞之峻岸城之堅兮連萬雉於高岡寔國家之藩屏
北虜之禁防者也予親雁惠遠謫於斯歲月云邁求葛

兩移迤冉冉其秋侯屆烈烈之冬期顯帝王令元冥布
威日雖可愛寒則已祁惟十月之載念正小雪之應時
訝滕神之一駕俄濃雪之四垂風声颯兮凜冽日色慘
兮蔽虧天地復混沌之始乾坤張醞釀之機大吹於戶
雞栖于埭是則天時之向暮而雪意之先施者也頃之
雲既同風始息一白呈祥六花如席玉龍敗而飛鱗鹽
虎卧而留跡光搖搖兮簾而下声簌簌兮緣階以積
萬里飛璫頃刻盈尺予方擁布袍以高眠覺天地之為

窄既而鐘声遠度雲影漸開驚譙角之一奏俄旭日之
東來既晴景之可愛仍吟興之滿懷於是登鎮朔之樓
俯凌雲之檻驚萬物之不緇縱六合于一覽以言其遠
也則洋河東逝白虹逶迤燕然南峙玉戟參差望飛天
之口兮眇琳琅之委籍顧長城之壘兮積琬琰之崔嵬
雲中居其西兮皎白雲之縹緲龍門居其東兮素練
之離披以言其近也則粉堞櫺比而有耀駕瓦鱗次而
生妍銀為城兮闢重門以壁壁玉為道兮夾萬井而如

弦是以三農鼓舞於窮擱之下莫不占其大有之年也
嗚呼是胡為乎然哉蓋是雪之降既當小雪之節且值
臘前之候后土以之而潤澤宿麥困之而暢茂蝗種滅
兮誅遺育於泉壤民疫蠲兮獲生全於宇宙衣食遂於
飽煖田疇易於耕耨則夫是雪以時而降得非佳瑞自
天而授者乎然而撫玩既久寒威轉惡盼旅舍以未歸
慨朔風之如割遂呼敬命酒舉觴獨酌圓紅爐擁厚貉
俯仰無拘襟懷恢廓睹豐年之有徵心烏得而不樂哉

酒既酣乃捧腹而為之歌曰楨陵兮邊城羽檄亭兮時
昇平豐年呈瑞兮連旦而晴諒聖德之所致兮非一言
之可名

耕藉田賦

二月十六日
內閣試題

臣聞籍者昭藉也人君躬蹈于田也或曰藉者借也借
人力以終之者也蓋人君事神明勸農務禮之不可缺
者焉粵昉于周有典有則然弄于漢昭廢于晉惠禮其
紊矣聞元肆赦端拱錫爵禮其瀆矣爰稽舊章夫何足

取之肆惟聖皇以即位之明年改元成化采春分之令
辰舉耕藉之大禮誠有以超往古而軼成周者也臣叨
職明時^躬逢盛美望朱紘之光聽鑿輅之音雖無雅頌之
才以繼載芟良耜之宣鴻勛雅明效竊有志焉
謹拜首稽首而獻賦

欽惟皇明受天休命我高
皇乃御神龍而奮飛感民心之丕應揮天戈而九鼎歸
一戎衣而四海定於是創制立法敘禮和樂廼輯民生
廼求民瘼式命耆宿朝以望朔天顏俯臨誨諭諄恪念

無逸穡稼之黷考周禮天官之制而耕藉之禮所由以
作也欽若太宗宣光重離拯頹綱以復振撫皇運于雍
熙禱事惟重憲章是稽昭皇章皇善繼于茲英宗當天
務農不遺亦有事于千畝嘗輟勤于萬兗迨我聖皇紹
統率舊不愆鴻恩滲漉海隅覃延大明重熙成化紀元
王正之吉禮崇祀天乃追五朝之著令開千畝之藉田
維時春仲土膏脈起東作方興宜事疆理帝乃御前殿
頒睿旨將順時以勸耕舉先農之祀禮先期致齋省心

潔已於是冬官揆播殖之器則維耒維耜其制孔嘉維
朱其柄維金其牙烜赫巧麗流耀生華錦衣列鹵簿之
駕則越象重寶宛馬玉輅羽旄連空旌旗拂露飛蓋方
圓執戈上下肆續紛而雜還備乘輿之服御維彼圉官
耕犢謹飼角端領厚首巨形冠飽以芻粒絡以青絲俟
當舉趾驅馬以隨若乃師旅列衛都門戒嚴萬騎駢駐
兵矛利銛京師驚肅聳乎具瞻是日也雞鳴告晨尚衣
盛服免視朝于百辟迎扶桑之朝旭帝乃出宮時暄景

淑於是駕蒼龍遵皇衢士女快覩臣工奔趨貌貅雷動
而方駟驂駟魚麗而前驅和鸞銜鳴劍佩陸離亦曰至
止維田之墟駐皇轡以歷覽瞻畎畝之有制溝洫沃乎
四同疆塲連乎無際町塍棊布原隰鱗次甫縱觀之方
周俄陳滌之已備觀夫巍巍青壇築之東方奠裸既列
執事鴈行帝乃御衮冕鏗珩璜秉珪璧將幣筐以享以
祀維牛維羊精誠通乎冥冥雅樂奏乎洋洋冀先農之
歆格祈我田之既臧神曰不留雍徹以退帝降壇壇乃

撫御未紺轅既駕黃縹斯委青原傲載沃壤維融司農
陳青箱內宰奉稷種民耆相犁以先邁司徒執策而後
從乃舉玉趾乃披蒙茸澤澤其耕南畝之中我疆我理
必親必躬辰盛禮于三推效勞役于九農維禮官之告
止羌十畝之願終載登于門于焉以憩侏儒効能乃陳
百戲同斯樂于臣民名至和于天地爾其三公肅事九
卿駿奔庶士御事進趨惟勤而五推九推之禮于是乎
行焉庶民子來喜色忻忻樂于趨事荷鍤成雲而終畝

之積於是乎成焉羣臣輟耕帝心垂眷乃臨齋宮勞之
以宴良醞瀉于黃封大官供于玉膳陳振鷺之萬舞奏
鈞天之九變歌在鎬之豈樂申既醉之祝願禮成宴罷
鳳駕回鑾彌文闡典千古幸瞻其盛德大業寔所以立
生民之命而騰萬姓之歡者也若乃黍稷或或豐年穰
穰是割是穫乃積乃倉精繫于以供粢盛芻藁于以餉
犧羊或奉天地之獻享或備宗廟之烝嘗肆昭假于上
下惟降福之皇皇綿孫子于不替延聖壽于無疆臣嘗

聞之周之立國本之於農后稷粒生民以開基公劉篤
前烈而纘功文王九一行于岐豐武王有藉諸侯朝宗
成康繼立越在幼冲方作詩以深敷重嗟嗟于臣工駿
發爾私噫嘻勉終四夷賓服海內時雍藹泰和之盛治
致比屋之可封於惟聖朝與周方駕列聖相傳一德流
化帝初嗣服首務躬稼抑工商之末業興農作於穠稔
於戲盛矣哉嗟夫五禮之事惟祭為大用已力於勤勞
薦神明以醢鬻罔有以昭孝誠致明賚矣然而萬民以

勸稼穡是親棄末反本法於一人則田無閒曠之地國
無遊惰之民帛芟芟以在筥粟陳陳而相因由是衣食
之計足廉恥之心生風俗由之而歸厚禮義于焉而聿
興會極歸極蕩蕩平平民日懷於遠法治益臻於措刑
若乃叶氣融液蒸為休祥景星耀而泰階平玉燭調而
卿雲光麒麟遊于郊藪阿閣巢乎鳳凰器車在山醴泉
可觴則億萬斯年臣有以知皇圖之固如日升而月恒
帝歷之綿同地久而天長者矣復系之以辭曰帝乘六

龍以御天兮協風回春農祥壘兮瞻彼南郊開藉田兮
順動法豫時行應乾兮青壇致祀舉趾長阡兮耒耜云
釋迴旌郊廛兮粢盛有備致虔孝兮稽事用勸作黎元
兮春生八荒大有年化民民勤力本專兮俗用丕變
道平平兮載芟作頌播詩篇兮巍巍赫赫百世其傳兮
炎暑賦內閣試
作聖之歲六月既望余退自公朝假憇王堂有容從余
而登焉余乃喟然歎曰皇天平分四時兮夏隆赫而當

陽時生育以長養將既昇而既昌羌振威以肆虐物胥
焉而用傷揆薰燭之所由知孰司其崇綱炎帝降兮乘
離紛巍巍兮執衡前燭龍使先驅兮後熒惑使從行叶
羲和攬轡以雜進兮駉回祿與畢方火旗獵獵以當空
兮傘焯焯以高張獨丹鳥彌節而後殿兮白日之彌長
使豐隆玄冥屏氣而不得伸兮何飛廉之顛狂飛塵隨
土井泉竭縮鱗卷鬣蛟龍藏沙石兮銷鑠草木兮枯黃
山延熾焚以凝烟兮水洶湧其如湯盡六合以為爐兮

豈獨炎乎昆崗委藉乎殷紫兼蕪穢之紅芳詬締絡以
為重兮豈天時而不當揮霜兮而脫余腕兮何仁風之
可揚緬河朔之佳會兮思解釋乎冠裳拊煩襟而太息
兮汗汨汨以翻漿盡既蒸炊之如甑兮夜復蚊蚋之在
房顧可以寧吾軀兮審余熱乎中腸吾將東浮於滄海
兮棹溟渤而擊空明叶嗟搏桑為日之出兮更酷烈而
無所藏吾將登崑崙之絕頂兮窮天上之銀潢折玉井
之蓮葉以為舟兮駕清風于一航恨不得假羽翰於兩

腋儵忽舉身而西翔顧南溟之可泛兮又瘴毒之匪常
鳶跼跼以下視兮援溘死以流亡吾聞陰山積冰之可
鑿兮步余馬於北荒何地皮皴烈凍鼠渴鬼方暘死空
邊疆東西南北皆不可以逞兮禹方之廣徒茫茫夫維
木天之蕪愷兮寔冠絕乎帝鄉崇垣繚以聳兀兮長河
繞以汪洋比萬乘之武庫兮面萬雉之宮墻花雜樹之
百卉分槐周植以千章布佳蔭于館閣兮含笑語之微
涼亶炎暑之去避兮豈康娛而忘曲肱枕以高卧兮

渺夢揖乎羲皇顧此之可樂兮人何必遠遁而奔忙快
矣哉客之過兮又孰知余樂之未央客起而正色曰是
非余之所知也夫陽極而暑炎矣皇天道之孔昭故曰
萬物並生於天地豈余身之獨遭任寒暑之自然兮成
歲功而不勞歐陽公
暑賦而子亦物耳胡病此而嗷嗷且天
下食力者衆豈盡閒逸如吾曹彼蓄畜之田父兮冒烈
日之熬熬挽泉流以下灌兮聲密連乎桔槔手耒耜而
戴笠兮肆去莠以立苗幾垂氣而不蘇兮又奚翅爆煇

而灼鑊或牽牛以服賈兮睠征途之迢迢既矣壞之若
燎兮又逆旅之無聊方駕言以行邁兮曾不計夫銷骨
骨而流膏若乃邊關戍卒稱干立旄夕枕藉乎金革兮
朝蕩滌乎腥臊想敵夫王之愾兮而擬絕乎天驕日擾
擾而不得息兮徒哀以警警 露處之鬱蒸兮益心曲
之如燒彼秉忠以圖報兮雖炎暑其亦何逃予徒食祿
亦何補兮重清職之逍遙舍民困之弗恤兮而欲據此
以自豪余肅然而興愕然而駭顧無詞于復客乃作歌

以自解歌曰維時長夏兮極炎暑之人靡寧兮汗如雨
嗟余鬱鬱兮困不蘇仰捫皇天兮獨號呼南薰一奏兮
發幽韻阜民之財兮解民愠天心幸昭兮聖躬勞四輔
弼成兮勤瘁調亢陽隱伏兮解颶鼓清陰均溥兮遍寰
宇神功及物兮祥氛清陰陽循環兮以常行余竊職以
何為兮惟詠歌乎昇平

辭

望雪辭

內閣
試題

夫何玄冥雨雪之愆期兮羌有失於天職雲何為兮不
同霰何為兮不集悵仰天而馳望極余懷之鬱悒風不
凜兮凄其氣不嚴兮烈粟何顛頊之不廉兮奪彼陽春
之煦日照兮融融念匪春兮伊冬曠連連兮宿麥及
在地之遺蠡苟一雪兮有靳曷由致兮年豐年不順成
兮曷怙札瘥多兮珍氣布步璿衡以推測求蒼天之何
故天漠漠兮莽無垠目渺渺兮徒傷神嗟三農之渴想
何滕六之不仁冬之日兮苦短節序邁兮非緩恨不得

起逝波於銀潢煩此天孫之一剪與民兮情自孚德
潛感兮非我誣况歲臘兮尚遠更聖皇之馭圖將天心
兮上格驅豐隆兮命風伯霏繽紛兮素靈大雪降兮三
白歧予兮望之盡六合兮登春熙承上天之嘉惠皆吾
皇之恩私

白雲辭

寅友謝先生鳴治謂余曰鄉人趙廷詩讀書好
古善吟咏居樂清海濱其地曰花塢花塢之山

自鴈山延迤而至海岸東行者焉如入無人之
境因扁其居曰白雲深處且稱其願號知音非
草州者要余為白雲之辭以發其山中之趣遂
為之作短辭三疊填其卷尾云

白雲兮英英渺鴈山兮深谷顧縈紆兮芳林忽舒徐兮
前麓聊棲遲兮終歲何高軒兮華屋列圖書兮壺觴日
吟嘯兮相屬寒山中兮樂只望美人兮幽獨

白雲兮翩翩海之湄兮山之巔煮谿中兮白石酌屋上

兮清泉嗟清時兮嘉遯信夫君兮獨賢紛華俗兮起忽
維白雲兮周旋謇山中兮樂只望人兮悠然
白雲兮悠悠睠花塢兮少留時逍遙兮採芝羌窈窕兮
經丘獨行無友兮吾將安求出與雲俱兮歸與雲遊鳥
交交兮鹿鳴呦呦原可田兮水可以舟謇山中兮樂只望
美人兮獨幽

忠愛廟迎送神曲

福汀忠愛廟在郡東龍山之麓祀故推官謝侯

汀以正統己巳有寇賊之擾侯極力捍禦又原
其脅從者縱遣之因卒于軍中民思其德為請
于朝立廟祀之其子翰林學士大韶求詩以祀
為作迎送神曲云

南風來兮汀水波蒼龍伏兮麓嵯峨簫鼓喧兮廟門啟
侗吾侯兮山之阿孔蓋張兮振翠珂旌旆還兮軒從都
候治汀兮政不頗犴狴清兮布陽和汀民擾兮侯荷戈
活汀民兮侯功多報功有祠兮頌德有歌願終惠兮永

矢弗他

青山隱兮龍欲翔汀谿澄兮南風涼幸侯至今設侯床
蕙殺烝兮薦椒漿侯神遊兮橫八荒民德侯兮何時忘
侯之生兮岳神祥享汀祀兮紛洋洋侯有子兮步玉堂
握文魁兮挾天章侯之來兮時雨暘侯之去兮降福穰
雲駢遠兮不可望願絜惠兮傳無疆

瀛洲別意送賓之

賓之既得請南歸諸友咸出祖東郊而惜別之

意形之詩聲者甚富余不揣聊述短辭歌以佐
觴深愧其辭之拙也

春風起兮潞水瀟瀟蘭棹發兮揚桂旗悵望美人人懷
徃送之兮水之湄雲娟娟兮迤延柳娟娟兮薦綿望美
人兮高翔策予馬兮空還君山兮青青下中流兮沂洞
庭君歸來兮故國撫楸梧兮纓情我思君兮悠悠閭闔
開兮倚清秋承后皇兮嘉惠君之來兮不可以淹留

樂府

中秋大雨無月作孀娥怨時會陳師台宅

憶自奔歸月宮裏來往東西若流水岸前丹桂千度花
海底魚龍幾回死年年獨守寒寒宮玉斂瓊樓相映空
美人悠悠懷永夕孤影眇眇臨悲風泣血號天目欲瞽
豐隆磔雲送寒雨淨洗鉛華入素秋始覺孀居心轉苦
瑣牕聽雨度寒宵擬藉芳樽酬寂寥空慚偷得長生藥
此日清覓誰為招

元宵會吳鼎儀宅分得將進酒

將進酒黃金盃東風搖蕩春葦蕤清宵對此燈燭輝明
月皎皎當中閨將進酒夜未央日月並笑嗟流光年時
感此雨雪狂美景不及今晨良將進酒一再行醉來爾
汝俱忘形交分藹若弟與兄豈值傾蓋論平生將進酒
伐木詩倚歌而和心孔夷我雖不飲強倒卮永懷白首
同襟期將進酒君莫辭

五言古詩

題竹石

湘江不可渡披圖開我心萬玉倚晴碧彷彿湘山陰清
商竦毛髮蒼雪何蕭森霜寒白石瘦林迥青烟深危稍
拂層嶽遠黛迷孤岑泠泠發天籟悠悠引鸞音幽貞良
足娛密蔭還相臨懷哉冰雪互挺挺紛難侵佳境渺在
望何當遂招尋臨風意無限因之感微吟

晴簷鬪鵲

晴日照而灑脩簷下輕風維鵲肆搏擊上下虛庭中奮
然各賈勇喧啾若爭雄一或寂垂翅奔敗潛無踪一或
奮翼起氣勢摩蒼穹得失果何在角力徒自惹微物尚
知競人心將焉窮覽之增餘悲回首雲天空

題蘭四首寄浦城故人潘醫學廷瑞

猗蘭在空谷蕭蕭汎幽香白石與階處翠篠時在傍寂
寞意不失塵俗已相忘但惜無人知徒然負孤芳
猗蘭在幽谷幽人時采之采之結為佩將以遺所思楚
水有餘波湘纍有深辭孤貞諒自保白首以為期
猗蘭在空谷托根宵以深羣然伍衆州水石自蕭森宣

尼既云遠千載無知音臨風發長嘯聊以動微吟
倚闌在空谷歲蕤粲玉芳對此懷故人眇然天一
方安得遠相過擊柝下沉湘歲結深契遺余雙鳴璫

上巳會尚質宅時雨雪交集得日字

四時有更謝遊者一已疾冉冉暮春至和風轉陽律感
子共寮窠歡會聊暇宿雨宿未休迤漈莽四溢躊躇
立前庭恐茲節序失駕言策駕馬西瞻子雲室高樓敞
雲漢良朋三與七逍遙綜壺奕談笑散書帙勝負誰為

謀詼諧不可詰舉爵長簷下移榻更促膝酒酣氣益雄
凭闌撫吟筆西山涵暮景峰嶂眇青岸東園桃李花繁
華互蒙密四顧盪心胸默然意已悉山陰極清賞遠駕
亦起軼幽鳥林外歸新月雲間出頽然忽復醉觴咏信
非一携手各辭去娛樂難具述顧茲交分情豈云甘縱
逸朝陽倚桐樹可以成琴瑟苟無樸斲勞終為負嘉質
人生俯仰間飄忽等郵驛緬懷用世心勅瘁那足恤千
載前古道有穀率壯志共相勉老矣徒唧唧

題鮮于困學士遺墨

皇顏久不作史籀亦已塵古學既凋喪古制遂沈湮文
繁世愈降作者曰維新春蛇復秋蚓萎蕭何足珍有美
困學氏運筆如有神翰墨盈海內聲華重儒紳悠悠百
年後繼之更何人開卷撫遺迹黯然忽悲辛商敦與周
鼎此器誰為陳圖書道如在會見風俗淳

冬至會彭敷五宅詠史分得余忠宣

米田將北轅元祚日以衰豺虎忍邁患江淮遂紛披偉

哉青陽公毅然振蕃維孤城扼勅敵白日蔽旌麾小大
數百戰征袍血淋漓豈論天道還矢死志靡移援絕城
亦陷長號赴清漪妻子反賓客夫心相追隨亦有帳下
士殉首甘如飴億昔勦武備猶能事文詞轅門罷攻守
朝夕談書詩遂使忠義心不以喪亂移江水嗚咽流
菟渺何之至今舒州城獨有忠節祠

答李賓之見寄

結客少年場詡詡日追逐如何伐木詩雅韻竟難續緬

懷金^石交仰止聖賢躅直諒資麗澤燕辟承取辱所以
善道之詎云惜忠告吾生已壯齒沈冥尚幽谷譬之百
疾攻良藥久未服端居癸深省滄然抱慚慙昨感吾子
言一一道曲衷豈同心背負甘為手翻覆膏肓托砭箴
茅塞藉鉏斲願言堅此盟吾志當共勗

愚軒為高都憲

時沈侍御
來致意

客從江南來遺我愚公書盛德每韜晦深藏匪中虛知
巧紛以屏直行恥乖紆永懷心齋人雅志遵聖迹默識

諒亦早允踐乃良圖願起九泉下執鞭與為徒寥寥千
古意此道今何如

輓楊茂都閫

神劍出歐冶勁利久超羣歲絀百寶裝錯落七星文倚
天發寒采鳴匣祛妖氛一動蛟龍驚再鼓霄漢分往隨
明主用纍纍建奇勳一朝隨變化高飛入青雲遂令千
載下獨有名相聞長歌撫遺迹佇立悲斜曛神物渺何
許嗟哉楊將軍

效古意一首與王遜之秀才謝答誨言兼致別意
古人北方來贈我錦繡段繚繞芝蘭光
穉歲華采爛豈獨服佳亦足奉娛玩
我欲裁為裳衣冠並輝煥踟躕下刀尺
割裂畏譏彈藉以紫雲綃置之青玉案
珍重不敢狎日夕起深憚感此無以報
執別倚增嘆高情託金石雅誼薄雲漢
所以十年心不假一詞贊征車難久留
搏沙聚而散忠告日已疏叢責詎能追
及時期努力敢以污清貫臨歧意無窮
引領令人惋

警菴

聖驚日以新賢警日以省動警泛應時
靜警獨知境好惡警沉溺取予警偏秉
言行警而飭衣冠警斯整人生貴警厲
弗警欲易逞詎云警其外能警心
廼靖惟倚知警者箴警日取取我勒
警菴銘朝夕眎為警

送劉都閫景昌西征

桓桓羆虎羣見此劉將軍敢戰衆莫敵
勇力時所聞從征二十載巍然樹高勲
腰間千金劍手中七星文摩挲

冰雪寒揮擢日月昏攜之向西極頷言靜妖氛遠涉青海波近躡玉閔雲壯遊方在茲破虜何足云

古意一首送曲阜三氏學錄公璜赴任

客從孔林來遺我楷木杖雲文紆欲騰虬髯屹相向重是聖門物操執不敢放平生藉扶持履險若夷曠我聞植根地枝葉紛以暢磅礴千載餘挺拔層霄上小用豈豈其宜斤斧來俗匠疇能事栽培但恐日凋喪成林古云難珍護夙所尚懷哉孔公璜道遠不及訪微言願有

託臨風重怡悵

和傳曰川止酒

止酒之章深愜鄙懷不獨仰知吾兄自重之意而愚子亦得以奉為明戒其益非淺淺矣第恐不能以卒止其亦止其太甚可乎用是次韻二章一以慕吾兄之飲一以戒不肖之飲高明亮之

淵明性嗜酒未必因詩止傳君病痰熱乃在深冬裏酒

豈為君患自責固君子昨過高城寓已報勿藥喜東風
暢春和正及病新起卷冊未忘倦尊疊尚可理苟非沈
酒失數酌亦由已醒然坐終日於君亦迂矣朝下北門
直竚望西江羨客中且為樂誰能開千祀

流水本無窮過坎亦須止人非江海量獨事深栝裏昨
奉止酒詩雅意謝吾子麗澤久相資新惠尤可喜麴蘖
豈佳味百疾所由起調攝偶違和累乇未能理君懲覆
車餘惓惓惟悔已我感同心言箴戒亦明矣無為嗜觴

酌泛濫無涯矣海經有明訓百拜惟賓祀

雲松高隱圖為清江鄒彥和賦

青松鬱成林上與浮雲連雲來松漠漠雲去松娟娟
玲瓏下深固雨露通重玄雨意忽有合相托成千年不謂
雲松交轉為丘壑妍清江有幽士志隱耽林泉巢雲卧
松頂手拂青山巔芳陰日已遠雅操日已堅空對高隱
圖載賦雲松篇

題鮑栗之同知江山無際卷

渺渺天東南中與一線倂上出岷峨根下合銀海流乾
坤幾今古日月爭沉浮沆漭巫峽春汨沒匡廬秋金山
有遺利漢陽多高樓平生丈夫志雅慕子長遊披圖此
無際擬沂青谿舟遲回不可往望望雙飛鷗

蘇武牧羊圖為劉閣老祐之

子卿重遠使武皇侈邊功如何常勝徒竊稱單山于中
身拘志弗移抱節甘長終牧羝豈望乳聊以安其窮迨
迨北海上終見南飛鴻念年歸絕域千古憐孤忠麒麟

耿遺像丹青照旻穹翻嗟茂陵樹落日生悲風

讀晦翁詩有感輒次其韻

六月十日晨興盥櫛之暇忽憶人言走筆求志
疾讀一過為之快然不知識者以為何如耳

望望逋仙梅眷眷陶令菊空懷杞人憂寧論賈生哭寸
心能幾何百事日相觸迹迹豈不嘉覲顏良自辱
君恩浩難酬身計老始足青雲謝榮途白駒賦空谷乾
坤遂容與軒冕脫羈束乃知江漢遠亦有冥鴻獨洗垢

從索癡疑璞任唾玉長歌歸去辭詹君何勞卜

尼山春晚圖為行聖公題

尼山鬱嵯峨孕靈慨千古深根起西周雄鎮自東魯方
春生意敷潤澤回厚土朝陽麗層顛烟霞互吞吐林姿
日萬變奇秀不可數豈獨秦岱宗聳特出寰宇雲孫國
上公雅志紹遐武攬勝入圖畫禁色在庭戶羹墻有至
念仰止亦堪覩乘閒如一登羣峰應府

溧陽史侯廟詩

杜陵重戚里壯侯挺人傑溧陽推始封建武仰雄烈嘗
聞冀青政憂與龔璜埒就國奉新命出治遵舊轍功德
本寬大勲名益昭揭雲仍遠相承簪組遂不絕岳山既
喬聳洮水亦澄澈尸祝啟祠宇躬衣嚴象設顯惠神有
靈報祀禮無關迨迨千載餘紀成在碑碣侯名崇漢外
戚之賢封溧
陽侯廟號顯惠子
孫在溧陽者甚盛
上巳出遊甕山得處字

密勿金閨籍逍遙玉堂署承平荷君恩倏忽感時敘夙

約猶未忘遠遊孰為拒晴日散微暄晨景及初署共出
西郭門相尋舊行處物生遂敷祭民居樂繁庶望望出
林麓迤迤轉湖溆草色迷斷岸山光接孤嶼輕風吹客
衣閒雲擘晴絮冠裳驚雜遝鷗鳥忽軒翥羸馬行復嘶
野花粲如語前途不可結幽寺渺何許逢人試借問攬
轡重延停隔林見僮僕展席且尊俎懸崖費躋攀佳境
足依據午橋晉公莊朝川右承豎烟嵐宿軒窗風雲入
毫楮覽眺豁心目推敲失盃箸歡呼非放曠觴詠亦容

與詎云禮法疎聊得江山助清賞殊未酣歸興一已遽
日日不可留青春漸將去懷哉望三益撫然增百慮豈
不惜燕樂神交媿雞黍願言結同心勉旃永終譽

擬上乞休之疏復疊前韻

伏伏伺息命未下益用悚然疏藁既成遂復著
筆用識鄙懷而已

穠華逞桃李孤芳笑蘭菊剖心誰與明別足空自哭愁
夢積雨驚望眼浮雲觸已判百念冷寧遣一身辱媚時

非所能守已聊亦足行藏固由天進退託云谷薄田猶
可畊大帶那須束遐哉謝交遊允矣樂幽獨絕絃韞我
琴韞櫝全吾玉擬辦季膺舟豈待巫咸卜

答玉署交情四首

體齋東山西涯三同年以舊日同預吉士之選
交誼深篤乃各賦古詩四章以贈題曰玉署交
情遣人遞于舟中予感其意亦賦四章以復遂
因阜弟別歸以寄明五月望日雨中也

青雲三十年追隨鵷鷺行葭玉夙相倚永託金蘭芳知
心志自合同道非殊方獨愧頑鈍質幸不忝冠裳家學
不可負友誼不可忘免效時用直道古所藏

讀書貴知道處公必忘私苟焉惟身圖君子恒賤之居
然廊廟尊榮祿復如斯豈不念瓦合媿媿將奚為風承
切磋益日夕事箴規植已苟無媿去往亦隨時

迢迢城東餞孤亭臨水雲知心二三友惆悵惜離羣詩
長不忍讀酒美難成醺念茲久已交感茲意何勤麗澤

日已遠誨言寧復聞
繼今尚有贈吾方
望諸君
朝霞結浮陰
輕風送疎雨
扁舟沂安流
颯然不知暑
推蓬坐清曉
展轉思延佇
夙荷聖皇恩
冥鴻遂高舉
泐然江湖心
耿耿方自許
懷哉眷念情
因之寄斯語

喜雨和沈司空時易二十韻

時方約出遊以禱雨而止故時云然

經春若炎旱
終日厭埃壘
林幽空啼鳩
池涸絕吠蛤
連簷勢如焚
田突計欲燬
羣趨舞雩禱
三謁玄元榻
天心始盼蠶
雲影互開闔
精誠諒無間
惠澤欣有答
初

為細雨霏
漸作濃陰合
廉纖徧長原
浙瀝鳴虛閣
潤色回柱礎
爽思動中匱
詩興已謝沈
酒狂尚輸蓋
擬續郊野遊
稍遠城市雜
平蕪翳荒臺
翁木陰孤塔
農畝生意敷
僧舍清香匝
飄洒惜新卷
雷濕愧破衲
芳茵坐堪藉
落英行可踏
古井暗泉沸
高榭輕風颯
樂事豈汗漫
詞華方駁選
將車夙所斯
折簡明須拉
駐景亟揮戈
秉燭頻銷蠟
往聞桃李園
應費謫仙槎

銅瓶行和荅少司空沈時易

谿臨千丈流下有百尺泥銅瓶偶墜此至寶中道遺思
之弗能置朝夕矚雙眉洗濯忍在手把玩不忍離汲深
固有用履險直如夷神物豈終失笑歌欲忘飢行當薦
清廟永結千載期

青谿漫稿卷一

青谿漫稿卷二

七言古詩

黑梅

明倪岳撰

歲華歆晏嚴冰霜山林萬木皆摧傷天意獨爾儲孤芳
根柯屈鉄何堅剛冰花競發先春陽傲倪六雪紛迴翔
珠璣錯落生夜光天風習習飄清香孤射仙人整靚粧
鉛華淨洗曳素裳江妃緩步鳴佩璫綺袂輕舉聲鏗鏘

翠禽飛來月色涼
玉笛吹來空斷徬
舉柂澆我鉄石腸
浩歌一曲天茫茫

蘆鴈

秋霖初霽水滿湖
西風颯颯吹黃蘆
垂楊嫋嫋葉已枯
沿堤尚帶烟模糊
沙洲薄暮多黍菰
畢羅之患應絶無
陽陽有鳥羣相呼
食兮宿兮真足娛

謝惠菊

八月秋高天宇清
東籬菊綻黃金英
感君惠我數紛華

根連宿土何敷榮
為愛晚節風霜更妍華
不與青春爭
閒來移植臨軒楹
晴窓坐對逸興生
有時憑闌詩欲成
幽香馥馥供吟情
有時歌嘯清樽傾
佳色粲粲階前呈
夕食英落聞屈平
古來不獨陶淵明
何當過我解我醒
與君同結歲寒盟

題鷓仙為諸鍊師

湘江水深流不竭
湘山雲間翠嶂岌
黃河樓頭鉄笛聲
一聲吹落長空月
主人獨倚闌干望
仰見一鷓西南翔

上有仙人醉不醒也知倒盡瑤池觴瑤池晏罷日色晚
跨鶴飛來不知遠霞裾行逐天風長放浪人間會須
相逢相別君莫愁逢當攜爾登瀛洲攬衣上鶴復飛去
但見湘山寂寂江悠悠

赤壁圖歌

武昌東來古赤壁摩空斷岸溼清秋下有長江一萬頃
朝宗到海無回流曾睹昔此振戎旅虎視會吳期全收
舳艫千里付烟燼未必黃蓋多奇謀從來勝負非人力

自是東風惟便周坡仙豪放久無匹明時左謫來黃州

遠尋赤壁極清賞夜棹一葉之扁舟窺樽獨與二客共
迎波擊楫還夷猶共指遺跡吊千古山川鬱鬱如含羞

沈沙折戟自銷滅霸業荒涼土一丘異代興亡已飄忽
寓形宇內真游蟻浮生過眼倏萬變人若不樂將何求
洞簫吹殘江月小扣絃歌羅靛啾啾霜葉飛紅莫烟紫
潛蛟起舞舞嫋姬愁欲挾飛仙不可得但覓兩腋風颼颼
臨臯歸來從雪堂斗酒鱸魚追舊遊酒酣就睡客已去

老鶴一聲魂夢幽回首不堪復陳迹惟有二賦人間留
玉堂退食見圖畫飄然使我懷前修招黃鶴兮乘翠蚪
馮虛浩浩凌牛斗吁嗟風景賦中得欲繼茲賞知誰儔
聞來翹首騁長望乾坤蒼莽東南浮嗚呼坡仙去矣不
可作江流無盡長悠悠

夢仙吟

羅明仲夢中得碧潭夜浸
珊瑚冷之句因足成之

我昔夢到蓬萊宮三山對峙滄海東玉樓十二接天上
地位不與塵環通蕭蕭亦有綠髮者羣居豈獨黃眉翁

我揖仙翁問寶訣喜我骨相非凡庸招我驂鸞跨白鶴
神遊八極乘長風飄飄隻袖凌雲起霞裾星佩散璫璫
振羽扶桑倏萬里凌絕倒景衝鴻濛才經弱水已瑤島
忽歷太華仍崆峒人間雖有八駿足奔騰何處追竒蹤
興倦歸來動觴酌落日送盡西山紅仙城迢迢拂衣入
繡綺坐我青芙蓉紅蓮萬炬光奪目雲牕霧閣相玲瓏
金光分遺萬年草沆漑瀉落琉璃鍾冰盤異饌雜麟脯
琅璈雅樂卑絲桐謂我飯我絕佳味斫檜欲取靈螯供

舟人深入破烟水
漁竿一掣驚蛟龍
碧潭夜浸珊瑚冷
銀絲削出鱗甲空
酒酣大嚼發真趣
味身長嘯聲如鐘
耳邊授我鍊藥說
還丹有術參同同
崑崙瑶樹亦可折
何必遠遊尋赤松
我拜仙翁謝嘉惠
誓將脫屣長相從
隣雞喔喔忽驚覺
滿庭落葉霜華濃
起望瀛洲不可見
悵然極目孤飛鴻

輓棠谿處士肅菴江先生

子純同年進士

誅茅結屋臨棠谿
閉戶讀書人未知
雄才不復為世用

致君有術嗟無時
壯志空然成白首
獨與棠谿作賓友
有酒可酌詩可吟
脫落頰羈肯輕受
神遊何處招不還
西風薤露歌散殘
魂去棠谿谿月白
魂返棠谿谿水寒
廿年葬骨黃甘道
隴樹淒迷多宿草
青雲不負舊衣冠
白面孤兒致身早
我歌為君重慘神
古來豪傑多沈淪
埋光鏟采老丘壑
千載悠悠知幾人

春閨怨

憶妾與君初見時
烏雲挽髻橫娥眉
嬋娟息義兩相得

借老有願天應知年來何事輕離別君向江南妾江北
夢魂常逐暮雲飛音書久與秋鴻絕清三月見殘春深
深閨猶自怯春寒臨粧漸覓鉛華改闌脉誰憐花鳥闌
脉脉愁來心欲死空向春風怨羅綺沈沈篋屨烏黃昏
月光獨照紗窓裏年年見月缺復圓獨怨夫君去不還
尋君欲抱琵琶去一曲相思和淚彈

題湖山雨意圖

五月廿日題
時久不雨

湖雲欲雨濕不飛千山萬山烟霧迷翻崖擁壑忽已暝

白日半沒青天低模糊亂壓雲夢澤掩映乾坤漸昏黑
浦溆爭投渙子舟嵐光淨鎖幽人宅雷輶電走風更豪
彷彿捲去簷頭茅幽人驚起不敢睡耳邊但覓蒼龍號
蒼龍變化鼓餘勇瞥起直上驚洶涌山木微茫猿狖啼
蜺霓明滅蛟龜恐霹靂列缺乘雲來連峰峭壁皆崩摧
青溟浩蕩不可測沈沈一鏡當中開真蝦帶去半空落
水天頃刻相回薄勢凌五岳自崢嶸忽轉孤巖已冥冥
影響奔騰雨意深須臾過眼氣蕭森定知四海沾濡意

足慰三農渴望心
祇今炎炎天若旱
退食披圖發長嘆
誰解為霖振槁枯
空對遺編讀雲漢

晚泊魏家灣

月夕大風有盜賊之驚
舟中戒嚴直至旦乃解

魏家灣頭水清淺
十里長堤柳如綫
舟行且止不須牽
明月已照長堤前
狂風依然動坤軸
雪浪雲濤互奔逐
灣頭有客輕遠人
弯弓縱矢誇入神
滿目荒烟轉愁棘
鏗鉦金鼓傳呼急
共判相與坐天明
已喜平安及晚晴
人生得失豈足計
奈此驚馬夏非容
意恨不乘風一夜歸

船頭畫鷁長如飛

古木寒鴉為鐺山王敏行

空山古木烟霧迷
高枝直與浮雲齊
垂羅落落縮晴黛
寒竹蕭蕭含晚淒
好鳥飛來喜相托
爭向夕陽深處棲
風霜不厭老幽谷
羽翼自可凌秋晚
空憐返哺起深思
正爾月明聞夜啼

題秋江歸棹圖

落木未落縣林梢
西風蘆荻秋蕭騷
秋江秋水淺石齒齒

古堤楊柳凌雲高三老長年何足速百丈牽船過林麓
布帆無恙晚初收急篙撐向前村宿家住前村深復深
翩然誰識歸來心脫身風浪老亦足放迹雲山何處尋
君不見陶潛松菊荒蕪久張翰蓴鱸果何有鄉思方濃
宦味輕冥鴻一去空翹首此圖不辨陶與張吳松遠矣
更柴桑我生窈祿愧何補時望白雲懷故鄉

題胡馬圖

大磧飛沙白於雪北風怒號冰海裂髯胡把控正愁寒

地上麒麟汗成血麒麟原出注水中朝刷天河暮崆峒
飄飄四駿盡龍種風神各異筋骨同紫燕飛兔思騰踏
走狗蒼鷹去蕭颯雄姿自足畫圖傳奇才豈與駑駘合
一匹雖瘦標格存試出還空北冀北羣伏櫪誰能保終惠
行邊猶解策高勛可憐共飽沙場草無由一騁千里道
天涯霜露莽蕭條祗恐驂駟易老衰髯胡髯胡不敢騎
好從重譯獻彤墀玉台閭闔閱清峻却看黃帕蓋鞍時

三鷺圖

新荷織風翠如剪，屬玉孤鳴水波卷。何時舊侶雙飛來，
並逐滄浪弄清淺。羽雪經春猶未消，頂絲颺日輕飄飄。
窺魚來往思無限，高潔不受漢人招。君不見畫圖仿佛
差相儼，千古長憐魯文子。

賀英國張公射提歌

文皇報功銘太常，異姓獨數河間王。上公茅土傳無疆，
矯矯孫子承其芳。文韻武畧衆所藏，中朝注倚麟鳳祥。
先皇召見七寶床，尋常雨露沾濡滂。我皇繼統御明堂，

熙熙民物昃虞唐。豈以盛治忘豫防，簡閱戎備心皇皇。
維時四月天艷陽，勅開射圃西苑傍。黃屋左纛臨中央，
虎賁貔貅侍兩廂。旌旗卷雲白日黃金鼓，毀地晴雷鏗。
諸侯劍佩紛以鎗，聚束繡帽雲錦裳。雕弓鞞服天插房，
拱翼趨進乃鴈行。惟公年少思奮攘，况復第一爵序當。
揮鞭縱轡意氣揚，蹴露神駿驚高攘。瞥若掣電流晶光，
手中白羽鳴秋霜。參連破的相鏖鏘，飛鳥退伏兔走藏。
應弦落鼓非厥張，却笑一箭空穿楊。象目誇顧風回颺，

惟呼振耳聲洋洋後來繼者誰頡頏鵬鴟乍鷓難為翔
天顏有喜罷命將勞晏特賜流霞觴更有寶鏹來上方
明日恩詔傳貂鎗內帑蕃錫禮數章黃金腰帶蟠龍香
擎出里巷增輝煌受之百拜喜欲狂眼前紈綺惟膏粱
惟公令望如圭璋巧力小試詎足量胸臆甲兵十萬強
風雲千載逢明良天生老將登巖廊隱然與時為津梁
威名震懾戎與羌天山大定四海康河間之水通天潢
我歌雖短意則詳慶源已擬後寢昌河間之水通天潢

千秋萬歲同湯湯

御題烟柳

東風二月千門曉紫禁暄妍暖雲繞玉河堤畔赤欄橋
高柳依依得春早柔條裊娜百尺垂蘸水點破青玻璃
晴烟一抹瑣深魄曉色正與春相宜暖風忽聽黃驪轉
入望模糊迷近遠鮫綃帳薄疑未收翡翠簾輕不堪捲
日高忽覺散浮陰無限韶華連上陰紛紛萬卉足生意
自是皇家雨露深

喜雨詩

都門二月東風早布穀聲聲弄清曉農作將興土脉融
田翁屈指春多少黃塵飛揚白晝昏暖日漸烈天無雲
商巖何人慰渴望我爲一洗枯槁根兀坐書齋深嘆息
忽聽新雷起西極霖霖微施造化權空濛已謝沾濡力
起家細數簷頭声隨風潤物如有情東郊多稼足生意
上林芳樹抽繁榮萬彙生成藉時雨優渥今看遽如許
擊節長歌雲漢詩閔雨憂勤荷明主

田家喜雨歌

韶華蕩漾三月天綠楊枝上嘔晴烟田家望雨心正渴
烏鳩數聲風唳然黑雲低覆塍頭樹好雨弥風下如注
潤物潛看霖霖流及時謝傳甘霖布宿麥芄芃穗漸黃
新禾叢叢初抽秧總爲朝來一犁足坐令終歲成豐穰
豐穰有兆惟穀作擊壤長歌物咸若四海均沾造化功
題詩爲紀田家樂

冬雨嘆

近山茫茫遠山黑萬里乾坤同一色窓前亂脚雨如麻
窓裏孤蹤淚成血歲云暮矣三日雪冰凝初晴地猶裂
不堪兩日雨經宵一點一聲心寸析新墳已築高嵯峨
舊墳猶作荒陂陀長纜欲出泥沒脛對此踟躕將奈何
青松初長三尺過買栽遠自南山阿一時委積不復數
厨奴喜失炊薪多年來苦恨宵愁續把酒兀然不能讀
寒燈冷雨愁轉長忍聽東隣夜深哭曉起憐翁來致辭
丈人雖苦何足知誰家葬母水盈坎臘月庚申從葬師

已亥十二月予宿暮所躬築先曾祖以下諸塚其手
植松檜百餘本於墓道之傍兩日為雨所阻既不敢
登隴又小樹移自遠地生意蕭然坐成愁嘆忽有工
人來云此庚申日也葬者甚衆苦於冒雨幾弗克襄
事且嘆慕先君之盛福云予因憶向亦幾用此日幸
不為葬師所誤語畢漫記於此

隻鳳行壽李裕之秀才父母

金烏刷雨扶桑曉蜃閣龍樓海天香眼中指點望蓬萊

波小一點青山小蓬萊壽翁鬚鬢蒼霞裾獨速搖瑤璫
手持雲笈控朱鷓來訪李耳長生堂為言仙李蟠根久
丹竇輪囷大於斗上有高巢雙鳳凰相對如賓復如友
老雄文采光陸離朝陽噉噉呼其雌並飲瑤池飽玉液
聯步瑤階餐玉芝莫道春流綠如剪已見蓬萊水清淺
莫道蟠桃幾度花不把繁華掛隻眼閒來共憩丹山梧
夢遊圓嶠仍方壺逍遙忘却老將至慰意有有三靈雛
大雛已負冲霄志覽德將為太平瑞小雛羽翼亦已成

相逐相隨閱清世壽翁語罷呼起生冰絃醉弄南薰
夜涼如流不知暑寶婺正映孤南明忽傳老翁佳期共
泥械擬致長生頌仙駢望盡鷗飛遙聊向尊前詠雙鳳

喜雨謠

辛丑之歲自春徂夏亢陽不雨流河不通水脉
幾絕農事勿修漕綱且阻遍禱羣祀天意勿吝
乃五月九日癸未始雨達旦未止也喜而忘寐
因效里謠一章

寒茫萬丈飛天鋒東西交射層霄中

歲暮十二月廿二日夜有天鋒見十

數火雲盤薄不肯散焰光時作燒天紅

自後恒有火災人皆夜夜防之

六鰲負負撼坤軸

二月十日地大震

却送江南三月風

一春皆大風

喧阗捲塵蔽白日咫尺浮翳成昏蒙

恒有霾翳

兩凡黑白互

盪激十日始憐后羿功

三月四月間日間每有黑氣如丸相盪且多

相逢盡

道水脉涸巢湖有路行人通

人自江北來者云巢湖乾人自湖中行如陸地云

高田低田總如赭踏車不救秧苗空廟堂作幣采羣公

紛紛走謁緇黃公癡童呼天口欲裂天亦不聞如耳聾

我意天應憫赤子似惡此舉真愚庸片雲不生暑威熾

嗟我絕望心力窮五月九日水羊舞忽然雨脚來濛濛

夜深蕭颯飛轉急決渠湧壑來神工我知此雨豈人力

枯槁振起生意融我不願天能雨豆

時有豆雨之異

誰解作粥

甦疲瘵我不願天能雨針

時有雨針之異

誰解補衮為華虫但

欲此雨滂沱足三日叱咤海若鞭蒼龍河流滔滔通萬

漕田疇拍拍酬三農擬效周詩賦雲漢載仰帝德歌

戲題素扇短歌

君不見秋空月十二闌干照圓缺金波半瀉落蒼茫欲
與人間洗炎熱又不見春空雲卷舒重疊成氤氳一片
飛來不盈把脩然殿閣生微薰匠意經營削寒玉方寸
機關巧裝束雲青月白指掌間伐盡剡藤猶未足我欲
揚仁風置之懷袖中乘時致身貴有用乾坤闔闢誰爲
功赤日遲遲駐南陸却憶閭閻苦蒸溽咫尺一動搖引
領望清肅雲有陰月有陰卷舒圓缺皆天心安得春雲
秋月十萬里盡令四海除煩襟

送劉時雍赴閩蕃參政

新柳初黃新水綠兩槩如飛片帆速使君欲發須少留
聽我離歌鳥中曲與君交結二十春重是同年兄弟親
玉堂退食共書史金闕趨朝聯佩紳我慚迂朽百無用
君向我曹轉增重白面書生久議兵赭衣將士皆知重
指揮籌策功業多一官濡滯如君何閩粵分藩信小試
金緋燈燧皆息波海道澄清藉賢守亦是同袍交契友

時同年姜用貞爲
汀州善捕盜有聲

蜂烟不試烟瘴銷君往臨之復何有

喜君雅識毫髮精喜君雅操冰霜清獨憐君今別我去
千里萬里難為情短歌易盡斜陽暮執手踟躕立中路
男兒壯志輕別離極目青雲緞鷓鴣

分題得西湖送張亞參公實還浙

西湖清湖波萬頃涵空蒼明魚鷗鷺自出沒芙蓉楊柳
交敷榮豐樂樓前畫船裏散滿豐年絃歌声李相遺功
存六井蘓守新堤直如練善政應垂千載名豈為遊歌
樂風景使君清操西湖同使君作宦西湖東十年惠澤

被民物湖水迢迢寧有窮來朝魯達湖邊雪歸去重看
湖上月好挽天河一問津星槎早與西湖別

八月四日五鼓大雷雨達旦感之因題白宗師戶部

畫龍

八月四日秋始分霹靂忽送山千雲星斗無光天地黑
須臾雨捲銀河渾似驚神龍起揮霍天矯中霄露頭角
眼光掣電滅復明鼻息熏雷止還作鱗虫變化龍獨靈
下上碧落蟠蒼瀛有時奮迅雨霖宇坐令四海歌秋成

我聞秦閔早未已安得甘霖遍千里提續坡翁起伏龍
何必吳鱗寫形似

題九馬圖

穆王八駿名天下此馬雄瓌豈其亞渥洼夜墮房星精
神物應隨北龍化織離綠耳少為貴三十六蹄更堪詫
想當闐闔闡清晚霓旌隊引臺和駕朝回初遣脫金羈
呈了曾看覆黃帕天廡深嚴日正長奚官出牧乘閒暇
晴隄水滿柳陰森芳草蒙茸猶可藉長嘶深浴各有適

俊骨竒姿本無價祇今承平息邊燧戎壘征鞍不須跨
長嗟健步何由騁騏驥駕駘等衰謝王良伯樂會有合
足下風生生叱咤追電終輕萬里程直歷蓬瀛蹴嵩華

送憲友趙景芳以鄉進士出宰商河

君不見鳶刀出召新發矧鋒芒揮霍孰敢嬰兒丁瞬得
寶如玉十牛一日無完形又不見輕車載帝初發勒駿
馬翩翩駕隻鞞乘風攬轡隨所之萬里風途在俄瞬趙
君夙負冰玉姿凌霄早折蟾宮枝尋芳不遇若有待四

十作宰元非選牛刀小試君休惜一段堅剛在操執剖
決何妨及隱微肯縈仍期剽繁劇名駒伏軌歷太行欲
行未行猶自傷一朝推轂伯樂手却看馳騁趨康莊遠
到從今亦何有明日商河獨翹首驅車在道劍橫腰且
醉都門一尊酒

題胡騎縱獵圖四首

清霜落盡塞草黃驚飛山鵲東南翔飄然棲息自有適
海天一色秋茫茫紫袍白馬者誰子玉鞭半綰青絲韁

自遠望之重太息雖有贈繳安能將

黃沙漠漠吹西風高原草樹交深叢嗟哉狡兔自三窟
失身何處替其縱獵人手挽明月弓追更騁胡青驄
眼中得喪君莫訝歸來欲慰君庖充

野濶天空雲影孤白沙淺水經霜枯聯翩何處起隻鴈
稍梁謀遠思江湖忽然見此蚪髯胡雕弓滿腔金僕姑
何當健翮快高奔莫遣腥風吹綠蕪

胡兒匹馬明立霜臂鞬正立孤膺蒼奔頭隻影夕陽外

野鶴相呼水雲鄉蒼鷹欲奮鴨驚逝披圖不覓增慨慷
天生萬物貴得所同類相殘徒自傷

題唐子華枯木為日川學士

傳君好畫欲成癖長縑鉅軸堆滿家江南鍾沈動連幅
更有吳興唐子華子華筆力獨蒼古叅天老木紛如麻
雲中蛟龍怒且攫海底珊瑚欲復斜大者時聞撼風雨
小者若迷烟霞柔柔柯蔽空積蒼翠老幹礙日爭槎牙
根盤恠石起突兀豁流斗谷隆低窪初疑三軍罷遠獵

旌旄十里猶毳毳又疑八月渡河漢仿佛博望初迴槎
吳興公子墨妙者往往落筆人驚誇松雪齋中脫見此
亦宜退避相咨嗟蕭條異代感陳迹至寶鄭重誰能加
還君此卷掛君壁一掃凡品直塗鴉

雨中題徐州蘓指揮湘江暮雨竹

孤舟夜聽蕭蕭雨兩岸垂楊翠如許恍訝湘江暮雨中
只欠鉤鉤鷓鴣語船窓偶爾披新畫長河短渚相縈紆
琅玕一望渺無際淋漓覓一咽模糊高者凌空鳳將起

下者垂垂采鳳尾更憶相君過九疑羽葆參差亂雲裏
明朝放棹徐州洪不須局促仍推蓬赤壁江中地遠近
問訊彭城蘓長蘓公

題白紙扇

缺月飛從東海來吳刀斫破冰膽寒寒光迸入不敢近
星斗錯落雲中開老夫拾得不盈把一夜涼風滿天下
成化辛卯六月苦雨洽旬民大以困感今懷昨昨良
用惻然因抵掌放歌聊以泄激烈之悲耳詩云乎

哉

去年六月足霖雨碩雲蔽天長不取官衢水掉車馬絕
野樹巢空真蟹遊直占南北混海道幾旬遠迤同川流
秋來百錢一斗粟民饑更着寒無衣昨日已齧乳下兒
今日又殺田中牛嗷嗷僅足一飽耳轉眼亦復填深溝
鬱塞那堪冷仍作北印棄骨成高丘掩骼埋胔有遺令
嗟嗟牧守誰為謀乘輅賒貸出旁午膏肝乃尔旁宸猷
即今皇皇民稍蘓麥已秀實禾欲抽上下鼓舞望豐稔

飽暖已判歌有秋如何六月雨不止連綿恐欲傷田疇
豈但羣蛾蠹麥穗亦復有耳生禾頭奔走徒費兩師力
淋漓不解農夫憂早寒暮熱人重困兒童往往成悲謳
端君對食不下咽天意豈與斯民仇妍人滑吏試一殛
亦足以見天所尤須須連年病赤子疴羸佝僂誰當瘳
我願天公放白日照耀四海祛煩愁蚕得帛兮田得粟
樂以卒歲心悠悠小臣無能竊君祿却把大筆歌天休

時有早寒晚熱人
至七八月之謠

傳曰川曰會鴈行待漏像圖限韻短歌

君家兄弟知名早渝川地靈好今好才看連壁產荆山
又聞隻鳳鳴周鎬金榜榮名次第書彤墀峻級遂巡造
伯也久擊翰苑銜季兮仍占中書考褒鄂空傳侈舊圖
軼轍誰傳入新草不用麟麟列高閣總謂驂馱在馳道
點染丘壑意轉妍脫落山林迹俱掃更喜聞官共儒素
亦幸清時際熙皞聯珮同趨曉漏逢豪對直朝陽杲
螭頭晴雲明象服雉尾香烟瞻翠葆百年華萼相光飭

千載詩書互探討英標傑峙衡霍峻勁氣雄翻江漢浩
錦綉盤旋五色腸珠璣錯落三軍畫文采差差已外彌
華腴燁燁仍中抱年當殷鼎重監梅今日舜衣資大藻
從來特行乃國琛孰若二難為世寶久知芝蘭今競秀
亦許松栢宜同老青雲有路已連升白首無渝天相保

陳汝玉安江樓詩次沈時昂司空韻

長江如塹護天府十萬水軍盡懸虎樓船自有壁壘固
鯨鱗絕無窟穴阻高皇開基親定亂列聖續圖猶重武

昨日中丞猶奉詔到虎先驅爭負弩已聞號令隨玉節
便訝風威生繡虎帳前戈甲喜森森座上衣冠驚楚楚
舊操戰艦控中流新建危樓當水滸帆檣負爾出霄漢
波浪恬然靜風雨祇緣彈壓烽烽燧却任喧聞動簫鼓
范老元知當甲兵謝公豈謂耽歌舞還聞十五精訓練
亦望尋常詢疾若入朝有日期大拜留取清風繼房杜

送楊應寧赴南京太常

去年曾醉回仙衙禮寺幽閒多名花北來忽此春欲暮

顛風滿目惟塵沙始知良會不易得漫爾逢人時歎嗟
楊君別我去南省占此佳勝樂亦賒君家京口本隣壤
丹陽廓外人將車金陵佳麗古所重聖祖創業今京華
奉常清卿縉紳表詞苑相承俱大家多君文采繼芳躅
斯地因人尤可嘉鍾山秀色在庾戶日高方始聞朝鴉
品題隨意徧花鳥滿瀝豈直稜烟霞宦途優游此其最
口不能語心常誇送君復動故園想敝廬遠市無喧嘩
過門珍重一枉駕青谿只尺江之涯

青谿漫稿卷三

明倪岳撰

五言律詩

贈李都閫士章

玉帳坐生風將軍冠世雄雕弓控明月寶劔撫晴空
笳鼓軍容肅旂旂虜陣空清朝有麟閣行見紀元功
中秋明日重會吳鼎儀分得光字

昨已仲秋過如何更舉觴謾勞頻會合未許太踈狂

宦路憐同宦鄉心感異鄉明年今夜月誰復共清光
曉發惺兒寺

帆開天欲曙星斗尚招搖漸覺村居遠方驚客路遙
不禁風獵獵相送水迢迢夜泊知何處晴雲隔暮潮
晚泊新口飲章太僕舟中

落日下新口遠帆時見收應判同秉燭相欲更移舟
海內經時別天涯一醉留遲明各分袂去住兩悠悠
過奉新復與章太僕會遂邀飲驛中觀壁間日

本碧照野釋所題有作

驛舍在河澗拂衣聊與登獨憐身似燕共醉酒如澗
好容金閨彥能詩碧海僧相看成一笑聚散亦難憑

過高郵州

晴湖三十里杳渺絕雲天漁艇浪中出客帆風外懸
經遊非偶爾飄泊止依然極目東南道孤村起暮煙
沙河遇使風遂至龍江關

已擬沙渚泊忽來風雨聲人皆催早發我亦厭孤征

浪駭千峯出舟憐一葉輕此時雖甚捷猶是險中行
挽太僕沈少卿

官路憐同踏都來十四年有親驚白髮無子負青羶
客夢成雉鹿鄉心逐紙鳶淮陰舊游處門巷總依然
三日晚泊和合驛

晚投和合驛地近久知名茅屋孤村斷烟波一棹輕
冰痕沙半折春色柳初榮自信儒官冷無勞候吏迎
送陳師召侍講陞南京太常少卿

載酒都門道春風花滿園永懷別後事須憶醉中言
求友長憐子居官屢得孫何時尋舊約聯佩掖西垣
九閔辭曉仗匹馬逐春帆暫解詞垣直榮題禮寺御
龍江天縹緲鳳嶺雨巉巖到處供吟眺何時寄一緘

右限韻
二首

詞垣二十載友道託深知閩海來隻鳳秦淮見一夔
聖皇元重禮士子待談詩明日河橋別停雲有所思
行歌動驪駒香直別金馬御盃復泚泚把袂此傾瀉

交情固同陳文才豈殊賈容臺藉增重江南慕風雅

右分得夔
賈二字

九日遊陳氏西園即席次鏡川楊學士韻

左掖候朝回西谿共客來陶翁思對菊杜老慰登臺
山近秋屏列池晴晚鏡開似忘紅日墜猶欲盡餘盃
紅葉明孤嶼黃花媚一川山童供午餉野老刈秋田
歸鳥高還下閒雲往復旋試看村社日扶醉說豐年
穿巖結疏屋接隴布秋菑出郭路非遠還家心自遲

最宜春雨後又近夕陽時彷彿青谿曲悠然千里思
酣餘步遠勝暮景自澄清籬菊未堪摘谿魚猶可罾
竹間桃晚稻荷底拾秋菱欲盡登高興攀崖更一層
草庭都尉西崖學士兩以止月四日同復命奉天殿
有詩記之輒賦一首

南北馳驅異東西奏對同翻思三載上又是五更中
好事傳青瑣新編出絲筒如聞雉鳳語噦噦在梧桐
寄和屠元勳都憲巡邊再周韻之作

建節風霜地驚心塞草秋弓刀深警成鼓角遠鳴樓
詩為籌邊得名因制虜留長城今有託高爵會須酬
荒涼臨絕塞搖落值高秋古鎮山當壘孤城樹映樓
戍兵深可念驛騎暫須留却憶芳行役清吟誰與酬

五言長律

送陳直夫赴南臺理刑

玉署初開講青衿舊執經深林嗟豹隱空谷見蘭馨
詞俊驚翻峽名成訝震霆聲華金貴重丰采玉晶瑩

戎幕分繁政親闔慰晚齡天曹俄捧檄秋水遽揚舲柱
下榮周史臺端典漢刑東山沾惠雨南斗煥文星遙望
天邊鵠相看水上萍分携猶繾綣惜別重丁寧椿府移
歸掉霜塔盡落莫久遠憐寂寞獨立嘆伶俜自斷遠山
隔泪俱清霜零平安頰兔頰城識託鴻冥落日沙頭酒
西風驛外亭有懷渾不盡翹首暮雲停

謁孝陵有作用子美昭陵韻

腥羶從盪滌華夏慙依歸海岳趙戎馬星辰上衣衣舜

文千載治湯武一時威運撫乾坤永明揚日月輝山陵
今宵漢寢殿故罪微棲蟻空瞻拜

臘月二日諸同年會飲予家因作圖以紀終會云

憶歸鰲禁直愛說古園圖

時因舉三揚諸先生古園雅集圖以為之倡

諸老

留遺事中朝仰盛謨文章臻道妙勳烈應時須允矣推
先達因之啓後塗傾心瞻斗嶽拭目見眉鬚曠邈宜重
續招邀不再呼會當清燕合身及太平娛高節偏怡晚
深期直過哺香山藉居易洛社重寬夫江右來三俊明仲

曰川數五
皆江右人

吳中得二儒

亨父聘儀

玄暉才更逸

鳴

原甫

志非迂

尚質獨貢荆山璞

賈連收閩海珠

師召汝賢

洋洋

懷泌水孟陽落落恥齊竽調律變音協封山舜業符

是會凡十

二奇逢如有待雅集幸無渝詩話呈新草歌詞據稿摺

永懷蘭在室盡醉酒盈壺點染爭毫末觀瞻動座隅丹

青羞可托卷帙自應俱翠竹鸞儀整蒼松鶴骨癯何勞

問工拙聊足記形模異產閩河隔同升雨露濡論交千

古尚投分寸誠孚藝苑聯珂入絰惟接珮趨冰銜今豈

遠天路昔非殊禮法從容地才猷次第摠正緣師孔孟
端合謝軒虞張弛遵前軌荒涼愧此區流傳從竹帛想
念在桑榆厚意知堪信燕言恐未愚

南京大司寇周莊懿公輓詩

蒼姬初肇姓陽曲始分支簪紱家聲遠松筠骨相奇津
宮亂在藝鄉榜鳳來儀官跡驚鵬徙文名憶駿馳遂聯
青瑣籍真授白雲司被賜逢康伯無寬付釋之平反用
輕典推鞠盡單辭執法何曾刻存仁豈但慈聖皇更化

日司寇拜官特殊擢由公論孤忠結主知老成符大用
謹厚見優為懇款惟謀國辛勤復賑饑捐臺屋簡命斧
戾慰疇咨公庾豐新積留都肅舊規三遷推益重八座
位偏宜總憲平如水持衡信若著貫城星采淡嘉石露
華添惠澤人皆洽雄才世共推勲庸端可紀度量詎能
窺縱獄追唐吏封山陋漢祠乞休雖屢屢倚注正孜孜
裕後非他術承休並美姿家庭階岳蘭桂伯仲協頌麓身
向清朝健心於暮景怡抗章還自切解組未為遲北觀

終吾事南歸遂所期
頽中歐相逸洛下潞公嬉
大爵仍加飯微疴忽問醫
謝安纔夢晉傳說竟騎箕
未滿羣生望徒傷一老遺
天府詔計勳士林悲白璧
終成瘞青山不費資孤卿
傳顯謚太史樹穹碑夙荷
通家愛長懷共里私賓筵
三爵又客路片帆隨後進
深蒙誨前脩青願師幾年
嗟遠別終夕繫遐思太息
音容隔無從涕泗垂不堪
千古恨聊託五言詩何日
經佳兆臨風酌一卮

六言律詩

題江景便面

客舟欲渡未渡僧鍾似聞
不聞北固羣山遠隔南零
一水中分

和鏡川楊先生齋居之作

十里春流遠戶半輪晴月
當簷齋閣獨眠小榻書窓
高捲疏簾自笑宦情淡泊
還驚詩律清嚴試問謝家
草色東風已動柔天

瀛洲舊會承鄭東園邀飲神樂道觀卽席次韻二
首

瀛洲舊約始會神樂福地重來最愛東風琳館何妨步
月瑤臺杏園芳躅可繼鳳城雅倡宜裁却羨斯文風味
不負翰苑懷懷

南國新看合袂北門舊憶垂紳自是交遊誼重更看傾
倒情真便判詩酒娛我莫違風花笑人回首玉堂天上
江湖未遠嚴宸

青谿漫稿卷四

明 倪岳 撰

七言律詩

甲申元日奉天殿早朝甲申

漏咽銅龍斗已橫儀鑾仗簇近朱甍九光燈下千官影
五鳳樓前萬歲聲浩浩君恩沾海宇熙熙王氣擁神京
微臣何幸瞻天表願竭丹心答聖明

藥園幽趣為四明醫士馮半軒

狂客芳園何處尋半軒東去莫雲深雨餘修竹春多澀
月到零榆夜有陰昌歎盆池森綠玉菊花籬落爛黃金
眼前藥物皆成趣却笑廬山只杏花

遊西山詩答謝鳴治

鳴治以無駢不果行詩以送別因賦以答與時雍同居故

詩及之

玉堂深幸一官閒曾許山行並錦鞍禹錫自應先致約
玄暉何事惜追歡地靈無恙重遊易宦路多歧一會難
試問匆匆百年內好山能得幾同看

出城

太平時節好閒行侵曉聯鑣出帝城涼露拂衣雞鳴早
香塵擁面馬蹄輕佳山秀水如迎客烟柳鶯花儘弄晴
勝地不常人易老莫教碌碌過平生

遊玉泉華嚴寺

門外寒流浸碧虛玉泉山上老僧居芙蓉雲鎖前朝殿
耶律詩存古洞書曲澗更多虹飲處好山相對兩晴初
笑攀石磴臨高頂浩蕩天風襲翠裾

晚田

登臨興倦欲忘還
歸到重城半掩關
仰見明星環北極
回看爽氣滿西山
空過白日應何補
老句經塵總是閒
我遂清遊皆帝力
願將丹悃謝天顏

和鳴治別後有懷韻

春山窈窕帶春城
公暇追遊逐半行
幽壑雨晴泉壑近
隔林風細鳥飛輕
經過不盡山中寺
歸去空題石上名
獨羨謝家芳草句
鏘然猶自向人鳴

吳元啓復中乙榜詩以慰之

鏡裏流年四十過
獨憐猶自困儒科
功名有分嗟塗漆
歲月無情感逝波
天上風雲初志在
眼中朱紫故人多
臨歧莫苦傷懷抱
梁灝名成鬢已皤
雨結愁雲曉未收
仲宣乘醉強登天
天涯又作三年別
客裏那禁兩鬢秋
宦極真成蕉下鹿
鄉心應逐海中鷗
相逢莫笑儒官冷
絕勝青衫汗漫遊

送董壽卿吉士赴南京戶部

清高自是玉堂仙拜命驚看去日邊
身屬地官官六十年
心違天陛路三千
半山亭館開春雨
六代臺城鎖暮烟
同宦更逢摩詰在
思鄉懷古共依然

送程熙同知汀洲

拜命榮看佐一州
平沙南去路悠悠
蠻烟晚入鄞江合
瘴雨晴分顛水流
五馬秩崇新貳守
再城任重古諸侯
郡齋正對雙清閣
雪夜霜風謾倡酬

郡有雙清閣

丁亥元宵前三日宿院中分得金字

四海昇平逢令節
百僚休暇荷綸音
畫橋遊客看行馬
玉署閔官笑盞簪
花滿樓臺春簇簇
月明不眠更盡今
宵笑共惜流光抵
萬金

夜沉沉

元宵會鳴治宅大雪得催字

玉堂風雪坐催嵬
欵段衝寒入夜回
鯨海有塵飛弱絮
磬釜峯無地作疎
梅雪深不礙燒燈
去春早何須擊鼓
催却笑儒官貧到
骨也來相對一銜
杯

新春感事

烽火邊城鼓角悲黃沙漠漠北風吹關山遠隔雲中戍
車馬新屯霸上師賈誼有才思報國杜陵多病為憂時
侍臣惟有如椽筆擬撰燕然第二碑

賞李景信東軒瑞香花次韻

淡抹輕粧弄晚晴花開簇簇影亭亭天培仙骨呈清瑞
風奪龍涎出素馨碧簷攢雲初破蕊紫茸含露正當庭
怪來詩思清如水吟倚闌干醉眼醒
臨到開時日正陽倚風渾似舞霓裳十年不見江南種

三月驚看薊北芳穠艷未容誇國色高標應許占春先
日長相對如佳客絕勝紅粧詠海棠

曲欄日上影玲瓏香氣薰人亦自融滿室春風回綺席
一簾晴霧散雕籠花攢淡白團圞密葉簇輕清點綴工
好是雨衣歌舞罷天香清倚廣寒宮

送周德源南還兼東沈仲律

相還未久還相別把袂臨歧不可留正是驪駒驚客思
更禁燕子說鄉雲開潞水青冥冥杏雨過鐘山紫翠浮

到處定應逢沈約春城無事好同遊
錦袍著處帶春暉家住南都信有依鄉里更無同榜在
衣冠獨與故人違天涯已作三年別江上徒聞一棹歸
報國無能親舍遠送君空有夢魂歸

四月八日遊西山道中作呈奚元啓

匹馬西行到郭西遠山無數暮烟迷林間已覺飛花少
風外還看落絮低宿麥帶黃應半熟新蒲抽綠未全齊
舊遊又是三年別此日從來取次題

醉歸漫成二章

遠尋幽境過湖西入眼雲烟萬樹迷水到中流驚地迥
山臨絕頂覺天低殘花點地紅猶在新竹過牆翠欲齊
醉裏已忘身是客興來那惜一分題

相携同出鳳城西沉醉歸來路欲迷馬跡香塵風轉急
鳥啼深樹日初低耳邊已覺泉聲遠眼底空憐草色齊
分手慇懃重寄語明朝還擬續新題

端午會孟陽宅分得石榴

五月薰風送晚涼
海榴成子日初長
參差半向花間出
錯落偏宜葉底藏
紅玉暈肌空賦色
驪珠充腹半含漿
遙知歲莫重來賞
醉裏須分一顆嘗

同寅章德懋黃仲昭
莊孔易以言事去職為之太
息書此自示不寄三人

悠悠往事不堪聞
默默窮愁泪暗吞
敢向明時傷遠謫
獨憐壯志負空言
楚人但識鄉閭去
漢室誰知汲黯存
愧我同官未同事
端居真已負君恩

戊子新春日寄上谷諸舊遊

故人底事久無書
塞徼天高又影疎
寂寞冰霜驚歲晚
芳菲風日又春初
幾迴常見百年內
千里相思一夢餘
却憶舊時詩社客
于今賡倡復何如

雪中憶亨亨父次賓之韻復用韻寫懷

坐看初雪轉菲微
已覺尖寒到客衣
歲事半於愁處過
鄉思全在夢中歸
經秋寥落慵開卷
長日蕭條靜掩扉
却憐故人音信絕
海天空闊雁來稀

曉氣侵人已細微
早寒真欲詠無衣
蕭蕭病葉驚風墮
冉冉烏雅帶雪歸
卓筆且從臨草韻
提壺誰為斲柴扉
故人多在經年別
歲晚方嗟聚晤稀

聞捷後值雪喜而有作二首用韻東賓之

西征烽火照金微
東望兵戈動鐵衣
一道渠魁皆手縛
三邊點虜定心歸
馬飛塞草空鳴柝
犬卧山村不掩扉
從此軍中知小范
平胡歌頌未容稀
平滿四後捷音
近猶簌簌遠全微
半欲隨風半點衣
沴氣定從今日去

凱歌偏與一時歸
朝分客宇初分火
睡起鄰家尚擁扉
可與春來農事畢
豐年三白故應稀

曉發張家灣

以下歸省
省之作

一別家園二十秋
寧親今日始歸舟
笳聲半欲衝風起
帆影遙應逐浪浮
官裏故人情眷眷
天涯遊子夢悠悠
鍾山何須三千里
望入白雲天際頭

晚泊天津望梅有作

船窻南望路漫漫
一曲滄洲俯碧湍
水國雲深帆影斷

海門天闊雁聲寒
離憂未信江湖遠
醉眼全驚島嶼宗
回首帝京三百里
不勝清夢繞長安

過南望湖望蒙嶧諸山

十里青湖一棹通
夾堤榆柳受東風
漁人出沒菰蒲裏
客子嘔吟烟中雨
東望龜餘餘魯甸
西來鳧嶧悶秦宮
寒牕寂寂空懷古
此日經遊嘆轉逢

過淮陰

寥落城西謁舊祠
王孫踪跡正堪悲
功名過眼應誰惜

籌策驚人祇自疑
走狗雖亡秦鹿在
牝雞未死漢雛危
傷心欲問淮陰水
隴樹蕭蕭沒齒碑

至龍江閔望京

一江晴漲風烟合
萬里春山紫翠浮
虎踞龍蟠皆舊跡
雨香雲淡足新遊
扁舟且為留行色
尊酒憑卮洗別愁
二十年前曾著眼
不知猶是故君不

謁先母夫人墓

青山鬱鬱隱佳城
一上新亭百感生
口澤荒涼空在眼

淚浪零落正吞聲斑衣竟失當年養錦誥虛違此日榮
再拜松楸心寸折不勝遺恨負生成

送陳員外致士歸吳

已喜相逢在帝鄉忽聞相別意淒涼彈冠早負心如水
解組才驚鬢未霜千里有懷憐去徃百年無計感行藏
祇須預卜林間地聊與重開見一堂

吳中風月曾遊地江上衣冠正別時一曲離愁尊酒劇
五更歸夢片帆遲朝川佳興新成畫工部生涯舊有時

執手臨歧空慰籍北山芳草動遐思

遊無錫小嵩山僧寺

山寺閒遊未許違雪晴臺殿望空微歸田學士元能賦
入定高僧久息機塵外烟霞行漸遠林間車馬到應稀
我來不盡登臨興把酒長歌對落暉

次錢學士
先生韻

嵩阜雲深日下遲登臨隨地一枝頽樓臺久占山中勝
松竹偏呈雪後奇欲上魚峰猶駐足忽逢蓮社已攢攢
相逢莫道勞塵軼有約來尋王版師

右山行
之作

淚痕零落正吞聲斑衣竟失當年養錦誥虛違此日榮
再拜松楸心寸折不勝遺恨負生成

送陳員外致士歸吳

已喜相逢在帝鄉忽聞相別意淒涼彈冠早負心如水
解組才驚鬢未霜千里有懷憐去住百年無計感行藏
祇須預卜林間地聊與重開見一堂

吳中風月曾遊地江上衣冠正別時一曲離愁尊酒劇
五更歸夢片帆遲輞川佳興新成畫工部生涯舊有時

執手臨歧空慰藉北山芳草動遐思

遊無錫小嵩山僧寺

山寺閒遊未許違雪晴臺殿望空微歸田學士元能賦
入定高僧久息機塵外烟霞行漸遠林間車馬到應稀
我來不盡登臨興把酒長歌對落暉

次錢學士先生韻

嵩阜雲深日下遲登臨隨地一枝頽樓臺久占山中勝
松竹偏呈雪後奇欲上魚峰猶駐足忽逢蓮社已攢攢
相逢莫道勞塵鞅有約來尋王版師

右山行之作

僧房深靜絕塵埃今日山靈笑獨來天際羣峰擎雪日
林間一徑倚雲開孤吟愧我非佳句清倡憐君絕俊才
忽聽笳聲驚日暮天風吹送馬蹄回

右次東園
楊守備韻

余自杭省墓回道過錫峯磚橋錢氏朱昆玉邀
遊嵩山禪刹此刹建置未百年而山林蒼鬱山
水縈帶真一佳境諸縉紳遊者皆有佳製主僧
輯而成帙出以見示因遂撥拾一二以復時同
遊沂州貳守王敏行瓊山司訓盛仲規士人楊

守倫吳興平錢氏孟津孟溥孟潤泪其賢子姪

云成化己丑十二月二十三日

登濟寧太白樓

樓在城南門上

五月既望余歸省還朝適會劉地官世美于濟
寧畢水部廷珍所以舊同寅之故拉遊城南太
白樓瞻拜遺容不勝企仰因成一律編成同遊
諸君子聊紀勝遊非敢為作者道也

一上孤城意已秋謫仙狂客舊風流雅宜庾亮三更月

不獨元龍百尺樓天影漸看雲影過山光長共水光浮
何如喚起文章伯相與賡酬一醉留

贈奚元啓二首用賓字韻

元啓病中
失走問

何處尋君一叩關春風淡笑竟忘還客邊已是經年別
病後渾非此日間老去宦情依北斗晚來吟趣對西山
也應莫怪經過少尊酒相逢足解顏

門巷蕭條晝不關故園迢遞夢中還一年風景又如此
百歲光陰皆等閒愧我春愁濃似酒憐君詩骨瘦如山

微官久負匡時術飽食能無獨厚顏

壬辰齊居和程克勤韻

冰雪蕭蕭接禁城高寒偏稱玉堂清烏啼別院驚風色
樹影空階月碎明吟倚青檀憐獨倦坐燒紅燭笑頻更
夜闌已及南郊罷忍報銅龍第四聲

送錢唐徐子久南還

南州儒子西湖客雛鳳曾驚五色奇今日雲霄仍解后
九天風露獨葳蕤壯遊已逐飛鵬遠歸路翻嫌去鷁遲

後夜錢唐江上月蕭然何處照相思

送惠州陳教授

海南初夜見文星瘴雨蠻烟亦謾經十載宦途雙鬢白
半肩行李一羶青龍門水落鄉心遠虎阜雲歸客夢醒
却喜坡仙行樂地松風長滿舊時亭

輓采齋閣老先生

玉堂黃閣掖垣東三十年來宦業同拜相已憐君實病
談經猶憶鄭玄工乾坤闔闢圖書在日月昭明奏疏通

回首門墻成悵望椒漿欲奠恨無窮

送張狀元昇謁告還南城

一夜西風吹客衣朝來忽報狀元歸香浮秋色金尊老
影落寒江永夜飛去路帆檣移暮雨到家喬梓聳晴暉
詞垣故舊應相憶早擬同翔上帝畿

八月十四日雨之西病中望舍弟消息不至悵然
有懷

西風門巷掩深幽一卧無旬倦出遊江上行船猶渺渺

窓前落葉更悠悠，新寒未慰相如病。舊雨仍增宋玉愁，
明日陰晴知未卜。有無詩酒對中秋。

晴州為程司馬題

松蘿山名練湖玉
几峯皆秀地也

主人結屋依晴洲，松蘿深處林塘幽。練湖水落石齒齒，
玉峯雨過雲悠悠。清潭白沙遠相帶，浴鷺飛鳧還自由。
君恩未許却歸去，空向夢中懷舊遊。

遊西山圓靜寺高菴限韻一首

半山晴雪護禪菴，門外長堤到水南。隔歲疎篁猶個個，

倚雲危磴自三三。清風送我來瑤島，垂柳隨人墮碧潭。
莫笑躋攀凌絕頂，登臨高興固能堪。

遊玉泉洞限韻一首

壁間有詩云洞口桃花春不紅
山中芳草夜如何之句乃金人之作

誰鑿青山一竅空，春寒深瑣夕陽中。平臨北極無塵到，
近接西湖有路通。窟底雲雷生白日，窓松拍下清清風。
舊題磨滅猶堪認，芳草桃花沒斷蓬。

登功德寺新閣限韻一首

憑虛高閣不勝寒，乘歲來登更倚闌。十里湖光通几席，

八面雲影上衣冠荒臺漫惜千金業
羸馬聊培一日歡
極目天南馳遠眺
催歸無那夕陽殘

玉泉限韻一首

西山深處俯流淙
亂石清泉自擊撞
鐵馬嘶風驚客枕
玉虹拖雨逼禪窓
臨溪正愛紅亭一
逆浪時看白鳥雙
萬斛塵襟渾似洗
酒酣應使寸心降

西湖限韻一首

望盡西山十里湖
平洲縹緲水縈紆
潛腥久識魚龍近

倒影長憐島嶼孤
落日微風吹白浪
深春細雨出青蒲
經過幾度懷遺跡
百尺荒臺草半蕪

新喻易乾剛自遼陽歸傳曰川求詩贈之

京入京塵暑氣微
樓船南下客初歸
柳條不受離情縮
詩卷猶煩急手揮
遼海雲開孤鶴起
楚江霜落片鴻飛
故人無限雲霄意
尊酒相看又夕暉

送禮知保安州

西北山城護一州
使君出守羨才猷
王閨人去初風冷

紫塞書回雁已秋
村塢蒼茫黍黍合
邊烽寂寞鼓鼙收
詩成翻怪多離思
極目雞鳴感舊遊

送韓府楊教授學士尹先生表弟

王國才名起薦書
鄒陽年少拜新除
談經自信非調瑟
擁珮還聞勝曳裾
江路樓船楓葉老
都門尊酒菊花疎
詞林學士題詩別
明日看雲思有餘


奉命進學內館和李賓之詩韻二首

久看清秩重周行
總慰羣英萃一堂
跡厠詞林元瑣瑣

行迷學海尚茫茫
唐人已勒中興頌
漢史仍傳急就章
豈有雄才陪載筆
聞宣長逝殿東廊

簞羽深憐白鷺行
迂疎如我亦升堂
清臨華蓋真叨竊
近接瀛洲豈杳茫
擬向圖書探月窟
却驚奎壁煥天章
儲材更荷君恩重
早見綸音下廟廊

Blank manuscript page with vertical columns.



書